

醫經會解

四

漢書門		一	二	三	四	五
類		八	四	一	九	七
號		函	架	冊	冊	冊

內閣文庫		漢	書
函	冊	架	冊
二	九	冊	冊

內閣文庫	
番號	漢 12448
冊數	5 (4)
函號	301 23



短氣者呼吸不相接續也○短氣心腹脹滿邪在裏

承氣湯○短氣心腹濡滿邪在表桂枝湯○表證

誤下短氣懊懣煩燥者結胸也大陷胸湯○汗出


短氣惡風者微邪在表甘草附子湯○食少飲多

水停心下短氣者小半夏湯

坐而伏者短氣也

結胸者病當汗而誤下也○大結胸不按自痛痛連

臍腹手不可近大陷胸湯○小結胸按之方痛心





下硬小陷胸湯○熱結胸懊懣煩悶心下痛少與
 大陷胸湯○寒結胸懊懣滿悶身無熱三物白湯
 ○水結胸心怔忡頭汗出用小半夏赤茯苓二味
 水煎入生薑汁和服○若未經下而飽悶者非結
 胸也痞也即經下而成結胸若脉浮大者表邪猶
 在也勿議再下

二物白湯

貝母泡去心 桔梗去芦 各七錢伍
 分 巴豆云殼一錢另研 右為末
 內巴豆和勻以白湯和服強人五分弱人減
 之病在上必吐在下必利利進熱者一碗

利過進冷粥一碗 吐利後或汗出已
 若腹中痛與芍藥一兩煎服

痞者病當汗而誤下也若表證未罷不可再下但宜

小柴胡湯加枳殼桔梗以開之○下後慄熱自利

心下痞硬者桂枝人參湯○痞滿惡寒汗出者附

子瀉心湯服後小便不利者五苓散○表未解而

心下妨悶者曰支結柴胡桂枝湯

桂枝人參湯

桂枝去皮四兩 炙甘草四兩
 白朮去芦 人參去苳 乾姜各
 三兩 先煎四味去滓
 後入桂枝同煮

附子瀉心湯

川大黃二兩 黃連去鬚 黃芩各一兩 附子泡去皮臍生用一

枝另煮去滓 餘三味不煎但用百沸湯二升浸之 須臾絞去滓入附子湯分溫服

柴胡桂枝湯

桂枝去皮 黃芩 人參去芦各兩半 炙甘草一兩 半夏泡二

各半 芍藥 生姜各兩半 柴胡四兩 大棗六枚

胸膈滿者非心下滿乃胸膈氣塞滿悶也九和傳裏

必先胸至心腹及胃是以胸滿多帶表證但宜微

汗而解若胸中痰涎盛者宜瓜蒂散之類以湧之

惟胸中實結燥渴大便秘者宜大陷胸湯之類下

以平之

脇者少陽部分而脇痛乃少陽之症其用小柴胡湯

和解者治膽腑病正法也兼有雜症治則不然○

表有水脇痛發熱喘咳用小青龍湯○裏有水脇

痛身涼乾嘔用十棗湯

此湯峻險宜慎用之

○內有蓄血脇

下刺痛大便黑用薤仁承氣湯○內有食積心下

實滿連於左脇難以側卧大便澀而痛用大柴胡

湯加瓜蒌青皮

腹痛者邪正相搏而痛也○陽邪傳裏而痛則痛甚
而有時用小建中湯和之○陰寒在內而痛則痛
緩無休止常欲作利用附子理中湯溫之○腹中
痛欲嘔吐者上熱下寒也黃連湯○腹中痛腸鳴
泄利寸脉滑尺脉弦者先與小建中湯不瘥與小
柴胡湯去黃芩加芍藥○腹痛而小便不利者水
氣也用真武湯○邪熱內實口燥咽乾下利清水
心腹硬痛或因宿食因燥糞以致腹脹滿堅痛煩

燥不大便者並用大承氣湯○表證誤下因而腹
滿時痛有表有裏用桂枝湯倍芍藥痛甚桂枝湯
加大黃○或下後心煩脹滿腹痛梔子厚朴湯○
吐後腹脹滿而痛調胃承氣湯○汗後腹脹滿而
痛厚朴半夏甘草人參生姜湯

梔子厚朴湯

梔子十四枚劈

厚朴去皮姜汁

炒四兩

枳實四枚

去穢炒

厚朴半夏甘草人參生姜湯

厚朴去皮姜汁炒
半斤 生姜半斤

半夏半斤泡

人參去芦一兩

炙甘草二兩

腹滿腹痛皆邪入太陰脾病也陽熱之邪陷內而為
腹滿則口燥咽乾陰寒之邪入裏而為腹滿則吐
利厥逆不食○腹滿時吐食不下不渴者枳實理
中湯○心腹硬滿口燥咽乾下利清水或大便閉
者大承氣湯○腹脹滿身痛下利不渴者先宜溫
裏四逆湯後解其表桂枝湯○吐後腹滿少與調
胃承氣湯○汗後腹滿厚朴半夏甘草人參生姜
湯○下後腹滿梔子豉湯

小腹滿者臍下脹也○小腹急滿手不可近其人如
狂小便利大便黑此下焦蓄血也菴仁承氣湯甚
則抵當湯○小腹急脹按之痛小便不利手足厥
冷此冷結在膀胱也宜灸關元穴在臍下三寸續
與真武湯

抵當湯

水蛭三十個熬 蝨虫三十個去翅熬
菴仁三十個去皮尖 川大黃酒洗三
兩 右四味為末以水五升
煮取三升去滓服一升不下再服

傷寒下利者正氣憊也○陽邪傳裏協熱下利糞色

黃赤稠粘口燥渴臍下熱手足溫此為腸垢或譫
語或乾嘔或腹痛堅硬均為實熱之症脈沉數有
力用大承氣湯否則用大柴胡小柴胡猪苓湯和
解之○陰邪入裏協寒下利糞色清冷淡薄口不
燥渴臍下寒手足冷此為鴨溏或肢厥或吐逆或
腸鳴腹痛均為虛寒之症脈沉遲無力或無脈並
用四逆湯輕者用理中湯腹痛腸鳴小建中湯○
寒因直中陰經熱因風邪入胃水侮脾上故令暴

下或攻或溫或固下焦或利小便隨証施治但不
宜發汗耳若汗之使邪氣內攻復泄津液胃氣轉
虛必成脹滿也○傷寒下後續得下利清穀身疼
痛者內虛寒也急當救裏用四逆湯清便自調急
當救表用桂枝湯○寒毒下利面色戴陽者下虛
寒也附子理中湯
久利不上者腸辟也

下利膿血者熱深而毒成也○便膿血而脈沉腹滿

痛者桃花湯○熱毒攻胃流入大腸下利膿血者

黃蓮阿膠湯○下後協熱便膿血脉數者犀角地

黃湯○陽明下血譫語但頭汗出者刺期門隨其

實而瀉之澱然汗出愈男子及乳頭小者以一指

屈乳頭向下盡處是

赤石脂一斤一半全用一半篩末乾姜一兩

粳米一升先煮米令熟

犀角地黃湯犀角鎊 赤芍藥 生地黃 牡丹皮

表未退加黃芩柴胡 口渴加乾葛 錯語

呻吟加黃蓮 血虛加當歸 虛煩加麥門

冬淡竹葉 陰虛加知母黃栢 鼻衄加梔

子仁 腹脹或痛瘀血未下加紅花桃仁川

大黃酒洗 少腹急痛加青皮

黃蓮阿膠湯黃蓮 阿膠 黃栢 山梔子

腹痛加芍藥 血虛加當歸川芎 血不止

加地榆 膿多與夾食加山查神麩

傷寒不大便者實熱燥糞宿食也三因俱宜通利可
以三承氣湯而選用其自汗小便利大便不通者
不可下為津液內竭也用蜜導法與新瘥後熱邪
傷血腸胃燥澁而大便不利者勿議下也當用麻
子潤腸丸

蜜導法

猪牙皂角 細辛各等分為末 先陽
煉蜜如膠以綿紙摺作紙條將蜜蓋在

紙條上次用前末
蘸在蜜上 直送入穀道

麻子潤腸丸

飛仁去皮尖另研 麻子仁另研
各一兩 歸尾 川大黃煨 羌

活各五錢 為末和前二仁
煉蜜為丸

小便自利者津液偏滲也

小便數者頻起而不多不快也傷寒自汗小便數雖
有惡寒項強表證切不可行桂枝以其走津液也
或誤服而致厥者甘草乾姜湯

甘草乾薑湯

甘草炙四兩
乾姜泡二兩

小便數而大便必難為脾約約者儉也束也約束津
液不行也用脾約丸一云臟寒

脾約丸

芍藥 厚朴去皮姜汁製 大黃酒蒸
一斤 麻仁另研五兩 枳實麩炒半
斤 杏仁去皮尖 另研
右為細末 煉蜜為丸

小便不利者邪氣蘊於下焦甚則硬滿而痛也○翕
翕發熱頭項痛小便不利者桂枝湯去桂加茯苓
白朮○表未解發熱而咳小腹滿小便不利者小
青龍湯去麻黃加茯苓○引飲過多而小便不利
者脉浮五苓散脉沉者苓湯○身微熱渴大便乍
難乍易小便不利者大承氣湯○傷寒有先發汗

復用下遂致腹滿心煩小便不利又發寒熱者桂
枝湯加乾薑若渴小柴胡湯○大病瘥後從腰已
下有水氣而小便不利者牡蠣澤瀉散

牡蠣澤瀉散

牡蠣煨 澤瀉去毛 瓜蒞根
蜀漆洗去脚 葶藶炒 商陸根
炒 海藻洗去鹹 右七味異搗篩為散更

後服
日一服

小便難者邪熱濕毒湊入膀胱熱傷乎氣故小便澀
滯而色黃也熱者即當逐熱行津濕者即當分水

流濕通用萬全木通散惟汗下過多津液枯涸又不可重利以竭其源必當待其自行可也○汗出惡風四肢拘急小便難者桂枝湯加附子○潮熱身黃不得汗小便難鼻乾脇痛者小柴胡湯去黃芩加茯苓

萬全木通散

木通去皮節 滑石 車前葉各一兩 瞿麥五錢 右俱為末每服四錢水一升煎至半升溫服

尿血者邪熱客於膀胱移於小腸小腸為赤腸故尿

色赤而濁與血相似非真血也宜清利之用玄胡索一兩朴硝七錢五分滑石二錢生地黄一錢五分瞿麥黃柏山梔子各一錢細辛甘草各五分水煎溫服

遺尿者膀胱不約也○邪熱熾盛神氣昏憤心腹堅滿大便秘結而小便自遺者為實用大承氣湯○汗下後餘熱不解陰虛火動而遺尿者為虛用補中益氣湯加黃柏知母五味子麥門冬○陰虛下

寒厥逆脉沉微而遺尿者附子湯加乾姜益智以
煖其下○厥逆舌短囊縮不知人事小便白遺者
吳茱萸湯倍人參加附子二錢○凡遺尿熱盛神
昏內實者可治寒極脉微內虛者難治

補中益氣湯

黃芪 甘草 白朮 人參
升麻 柴胡 陳皮 當歸身

生薑
大棗

血者血熱而妄行於鼻也熱雖盛而邪猶在經經
曰無汗而衄脉浮緊再與麻黃湯有汗而衄脉浮

緩再與桂枝湯蓋欲散經中邪氣也○又云奪血
者無汗奪汗者無血衄家不可大汗汗之必額上
陷傷寒衄血雖為欲解然衄不止頭面有汗身無
汗及發汗不至足者難治若衄而成流者不須服
藥自解若點滴不成流者必當服藥無疑○鼻出
血脉緊急口直視不能聆不眠者芍藥地黃湯○
衄漱水不欲嚥者犀角地黃湯○衄而煩渴飲
飲水水入即吐者先服五苓散次服竹葉石膏湯

○傷寒但厥無汗強發之必動其血或從耳目口
鼻中出名下厥上竭為難治當歸四逆湯○凡治
衄血下一二升不止不必驚張當用綿紙摺疊數
層用冷水浸濕稍瀝乾却於病人項後及鼻梁兩
太陽穴上搭之紙熱再浸冷再搭即止或兼用茅
花一大把無花用根洗淨搗碎之一升半濃煎汁
服之

芍藥地黃湯

芍藥 地黃
當歸 牡丹皮

吐血者熱病當汗失汗熱入于裏而逼血逆口中吐
出也症屬太陽陽明二經而陽明胃腑之證居多
治宜清熱解毒使血順下可也治吐血衄血多用
炒梔子者蓋梔子清胃中熱降火屈曲下利最速
也然脈浮表證在者仍宜發汗脈沉遲身清涼者
仍用溫補又不可一藥以熱律之也○熱毒尚淺
而吐血者及服桂枝湯嘔逆而吐血者並用犀角
地黃湯熱毒者或加
芩連栝梔○熱毒深入而吐血者桃仁

承氣湯○下後寸脉沉遲尺伏不至咽喉不利吐
膿血而厥逆泄利不止者難治麻黃升麻湯温服
須臾得汗或瘥○身無熱脉沉遲吐血血色紫黑
此陰證見血寒則凝故也用理中湯○凡治血症
頭分三焦用藥上焦見血用犀角地黄湯中焦見
血用菴仁承氣湯下焦見血用抵當湯亦一說也

麻黃升麻湯

麻黃去節二兩半 升麻一兩一分

芍藥 芩 姜 桂枝 茯苓 甘草

炙各六銖 右十四味以水一斗先煮麻黃
一兩沸去上沫入諸藥煮取三升去滓分温
三服相去如炊三斗米頃
令盡汗出愈

牙床屬陽明胃腑牙齒屬少陰腎臟因熱病當下失

下陽明之邪傳入少陰腎二熱交併故血溢齒縫

中出也用綠袍散掩上牙床即止隨服犀角地黄

湯加黃蓮黃栢黃芩梔子仁如大熱昏憤再加大

黃芒硝

綠袍散

黃栢去皮 薄荷 芒硝 青黛各等
分為細末入水片少許和勻掩上牙床

熱入血室者衝脉為血之海即血室也血得熱而妄行在男子則為下血譫語因熱邪傳入正陽明腑在婦人則為寒熱似瘧邪乃隨經而入皆為熱入血室也

咽痛者太陰之脉絡咽嗑連舌本少陰之脉循喉嚨皆主熱納邪熱乘之故生咽痛也或汗下過多虛而生熱亦主咽痛凡咽嚕腫閉痛口吐膿血腥臭脉來洪大者陽毒咽嚕腫不利腹痛泄瀉脉來沉

細者陰毒若咽中生瘡喉中發癢或腫此蓋寒伏于腎陰火上衝必當溫腎以補之仲景云傷寒少陰脉沉多生咽痛下利虛煩多汗等證又云傷寒本陰寒厥甚逼熱上行則為喉痺不可直指為痰火而驟用寒涼必當推究其原而與療焉凡咽痛咽乾切忌發汗其毒發於陽者則為陽毒治詳陽毒條毒發於陰者則為陰毒而槩用甘桔湯治之甘草一兩桔梗五錢其効似難必也○少陰腹痛脉沉細有熱而

咽痛者黃蓮龍骨湯○脉陰陽俱緊主無汗而反有汗曰亡陽法當咽痛亦屬少陰用猪膚湯○少陰脉微弱而咽痛者必先利先用半夏桂甘湯徐徐嚥之次用四逆湯下利不止手足厥冷無熱證者用四順丸○陽厥應下而反發汗必咽痛口瘡赤爛服升麻六物湯○咽痛閉塞者不可下用烏扇湯

黃蓮龍骨湯

黃蓮 黃芩 芍藥 龍骨

猪膚湯

先煮猪膚一兩 次入白蜜一合 白粉一合 熬香熟和勻相得服

半夏桂甘湯

半夏 甘草各二錢 桂枝去皮 生薑五片

烏扇湯

用射干苗如無用射干猪脂各四兩以二味合煎成去滓取半雞子黃大薄綿裹內喉中徐徐嚥汁下

譫語者有邪氣實有正氣虛也實因結熱燥糞虛因劫汗亡陽當隨脉證而議通議補慎勿固執指為實也○大熱大便結乾嘔錯語呻吟煩燥犀角解毒湯不瘥脉實議下○初得病無汗狂言煩燥精

采不與人相當用五苓散三錢以新汲水探吐或用猪苓湯○三陽合病身重難轉側脉實口中和面垢譫語遺尿用白虎湯○婦人經水適斷續得寒熱譫語此為熱入血室用小柴胡湯加川芎當歸芍藥地黄○凡譫語下後利不止與夫喘滿氣逆上奔自利是氣脫而下奪皆為逆也

犀角解毒湯

犀角 鱗 山梔子

黃蓮 黃芩 戎加川 大黃

黃柏

鄭聲者精氣奪也故本音失而語散聲混濁而不明

也脉必微細大小便必白利用獨參湯

口多言者血少也

心悸者心中築築然動怔忡忡不能自安也有氣虛有停飲其氣虛者陽氣內弱心中空虛而為悸或汗下後正氣虛而亦悸與氣虛而悸又甚皆須定治其氣也其停飲者由飲水過多水停心下心火惡水不能自安雖有餘邪必先治悸與水也○水飲而悸小便利用茯苓桂枝甘草白朮湯小便

少而裏急用猪苓湯

茯苓桂枝甘草白朮湯

茯苓去皮四兩 桂枝
去皮三兩 白朮去芦

炙甘草
各二兩

戰慄者陰陽相爭而身厥厥動搖也邪氣外與正氣
爭則為戰戰者外也陽也邪氣內與正氣鬪則為
慄慄者內也陰也○戰乃正氣勝有得汗而愈者
在表宜汗九味羌活湯○慄則不戰但心寒踈卧
足鼓振頭厥冷而遂成寒逆此其陰氣特勝陽氣

甚微急以姜附四逆等救其內寒大建中湯補其
中氣若復燥極而不得卧者此又不可治也○若
原有熱證口燥脉數忽肢體厥逆而咬牙振慄者
此內熱極而反化也不可作寒治宜大柴胡湯○
大抵因寒而戰慄者脉必細遲或微欲絕此陰經
自中之寒因熱而戰慄者脉必洪數此為傳經戰
慄寒慄則厥冷沉滯熱慄則有時溫和以此別之
則陰陽生死判然矣

大建中湯

人參	白朮	茯苓	甘草	當歸
川芎	白芍	熟地	黃芪	肉桂
附子	麥門冬	生姜		
半夏	肉蓯蓉	大棗		

頭運者陽虛也間有風有血少有痰火而致然者病
 輕起則方運而重雖卧亦旋轉也○傷寒曾經汗
 吐下後心下痞身體振搖筋脉動惕虛煩腹滿而
 頭運脉沉者陽虛也茯苓桂枝甘草白朮湯重則
 真武湯○未經汗吐下後但口苦咽乾徃來寒熱
 脉弦而頭運者少陽木病也木能生風風能動痰

也用小柴胡湯隨証加減○陽明病但頭眩不惡
 寒能食而欬者用茯苓桂枝甘草白朮湯去白朮
 ○血虛而頭運者婦人多有乃宜補血而行氣也
 目眩者病因與頭運同也有目眩而頭不運者有頭
 運而目不眩者若二證並現陽虛脫矣其實者目
 生紅花花現於上界卧起初有坐定則無也若虛
 者目生黑花花現於下界起坐俱有也多屬少陽
 膽木而虛實治法皆同頭運

鬱胃者寒氣乘虛而中於人也故頭如物蒙罩恍惚
昏迷也鬱胃重於眩運經曰少陰病下利止時時
自胃者腎絕也太陽病先下之不愈後發其汗表
裏俱虛因致鬱胃則宜溫補經云滋苗者必固其
根伐下者必枯其上正謂是也人參三白湯若清
邪中於上焦而鬱胃者汗出自愈表和也

人參三白湯

人參 白芍 白朮
附子 肉桂

發斑者胃熱血熱也須分陽毒溫毒而多主乎胃故

古人用白虎湯加人參治之以此若發斑而咳心

下悶下利嘔吐下部并口有瘡日赤者溫毒也治

溫毒如錦紋面赤咽痛或面紅大或不知人者陽

毒也治載壯熱煩燥大渴脉洪盛遍身斑出如火

色者血熱也治法附○其陰證發斑但出於胸背

手足稀少而色淡紅脉沉細身無大熱蓋人元氣

素虛又因房慾內傷腎氣或過服寒涼之藥以致

陰寒慘烈之氣伏于下逼其無根失守之火聚於

上故發現斑點狀如紋迹獨出於肺部分也用理
中湯虛極燥甚而厥逆者加附子○凡斑證切不可表汗汗之重令開泄更增斑爛也斑之方萌與
蚊迹相類惟發斑多現於胸腹蚊迹只見乎手足
其脉洪大病人昏憤先紅後赤者斑也脉不洪大
病人自靜先紅後黃者蚊迹也赤斑五死五生黑
斑十無一生黑斑又如果實靨者盧醫不能施其
巧也若汗下後不解足冷耳聾煩悶咳嘔便是發

斑之候斑出紅潤起發者吉稠密成片者凶身溫
足暖脉洪數者順身涼足冷脉細微者逆

發狂者重陽也毒併於心也陽氣重盛陰氣暴絕獨

陽而無陰非大下之何能瘳也

治現陽毒

至於陰極發

燥者亦似發狂當驗其初病無頭痛身熱雖面戴
虛陽而六脉必沉微切莫誤投涼藥急用溫熱之
劑救之或灸關元丹田否則氣消成大害矣

喜怒如狂者蓄血也其人必少腹滿臍下痛小便自

利大便或去或不去去則糞硬色黑也宜下輕則用苑仁承氣湯重則用抵當湯故如狂證血自下下者愈也其外不解者當先解外用桂枝湯繼用犀角地黄湯調之若裏未作實而遽攻之逆已

驚狂者精神昏亂倏然驚惕然動也乃亡陽驚惕之狂非重陽奔走之狂其實者煩燥不已而虛者真陽脫亡俱用柴胡黃芩以却熱龍骨牡蠣以收神視其脉虛實而補解之此大法也○若被醫以

火逼取其汗遂致亡陽煩燥驚狂者桂枝蜀漆龍骨牡蠣湯兼下清血者犀角地黄湯○若因燒鍼而煩燥驚狂者桂枝甘草龍骨牡蠣湯○若胸滿邪驚小便不利譫語火邪驚狂亡陽煩燥週身痛者柴胡龍骨牡蠣湯○太陽脉浮當用汗解醫以火劫之邪因火熱兩陽薰燄熱發于外身必發黃熱搏于內小便必難鬱熱太甚則捻衣摸床驚狂不安為難治或邪無從出從腰已下必重而痺亦

火逆也用麻黃杏仁薏苡甘草湯若小便未利者
火氣未劇尚可治也○又太陽汗下後心下痞表
裏俱虛復加燒鍼則胸煩驚狂面青膚潤者難治
色黃手足溫者可救也

桂枝蜀漆龍骨牡蠣湯

桂枝去皮 生姜各三兩 炙甘草二兩 牡

蠣煨五錢 龍骨四兩 蜀漆三兩洗去脚

大棗十二枚劈 右為末先煎蜀漆去滓

後入諸末同煎
桂枝甘草龍骨牡蠣湯

桂枝 甘草

發黃者太陰脾土陽明胃腑濕熱蘊積而真色現於

膚肉間也濕氣勝則黃如薰色晦週身痛熱氣勝
則黃如橘色明身大熱俱宜通利小便分導其氣
流行其濕病乃愈也○太陽發汗已不解身目黃
者中濕身痛發黃者並用麻黃赤小豆湯○中風
無汗欬嗽身目黃脉浮弦或浮大者用小柴胡湯
去人參大棗加茵陳梔子大便秘加大黃如噦加
茯苓○宿穀在內發黃腹脹潮熱大便鞭小便數

者大陷胸湯加茵陳黃蓮梔子枳實厚朴○蓄血發黃結胸小便利大便黑臍下痛者輕則用犀角地黄湯重則用菀仁承氣湯○若身不熱四肢沉重脉沉遲細弱腹痛下利冷汗自出遍體發黃者陰黃也理中湯加茵陳○又有疫氣痺氣瘡瘡等瘧熱在內遍體發黃者並用茵陳梔子湯○凡遍身黃色凝不去者用茵陳蒿一把生薑一大塊同搗爛先於胸前擦起及四體皆令擦遍擦後熱湯攪布拭淨如此者三四次其黃自去矣

茵陳梔子湯

茵陳 山梔子
黃連

肉瞶筋惕汗下虛也夫陽氣者精則養神柔則養筋發汗過多津液涸少陽氣偏枯筋肉失養故惕惕然動瞶瞶然跳也非溫筋助陽之劑何自愈乎○太陽病汗出不解仍發熱頭眩身振振欲擗地而筋惕肉瞶者真武湯人羸甚去芍藥有熱證或熱者去附子○吐下後身振振搖動者茯苓桂枝甘

草白朮湯○凡傷寒吐下後復發汗脈微心下痞脇痛氣上衝筋脈動惕者逆也

茯苓桂枝甘草白朮湯

茯苓四兩 桂枝三兩
白朮 炙甘草各二兩

佛鬱者陽氣鬱於肌膚蒸於頭面聚赤而不散是也其證陰盛面赤者色黯而不光陽盛面赤者色明而且澤也○初得病發汗不徹其人煩燥身體不知痛處面赤脈浮緊須再汗之麻黃湯○或因發汗不徹併於陽明續自微汗面色赤脈浮緩宜清

解之解肌散○汗下後有此證飲水而噦者中寒也桂枝人參湯○小便不利大便乍難乍易身微熱腹冷煩燥面赤者燥糞也調胃承氣湯○下利清穀身微熱厥逆面赤脈微或欲絕者虛寒極也四逆湯○若傷寒當汗醫用火逼取其汗而汗不出邪熱因火併鬱而甚兩火交攻面色紅赤或蒸於肌膚身目俱黃者用茵陳梔子湯看小便利出如皂角汁其黃淺此出矣

解肌湯

麻黃 川芎 前胡 羌活 荆芥各五錢 人參 赤芍 腦荷 甘草各

三錢 右為末葱薄荷湯調下汗透即止

桂枝人參湯

桂枝去皮四兩 炙甘草四兩 白朮去芦 人參去芦 乾姜 茯苓各三兩 先煮四味去滓後入桂枝同煎

動氣者在臍之下左右築築然跳動是也其人先有痞氣脾病身因感於寒誤用汗下吐復損乎脾致動其氣故曰動氣可見傷寒看外證為當者不在脉之可見必待問證之可得也○凡動氣專主

理中湯去朮加桂蓋白朮燥腎閉氣腎惡燥故去之桂能泄奔豚故加之也有熱則用小柴胡湯合桂枝湯正方○動氣在左發汗則頭眩汗出不止筋惕肉瞤先服防半白朮牡蠣散汗止次服小建中湯○動氣在右發汗則衄而渴心苦煩飲水則吐先服五苓散次服竹葉石膏湯○動氣在上發汗則氣上衝心不得息用李根湯○動氣在下發汗則心中大煩骨節疼痛目暈食入即吐先服大

橘皮湯次服小建中湯○動氣在左下之則腹滿
拘急身雖熱反欲踈卧先服甘草乾薑湯次服小
建中湯○動氣在右下之則津液竭咽乾鼻燥頭
眩心悸用竹葉石羔湯○動氣在上下之則掌握
熱煩身熱汗自泄欲水自灌用竹葉石羔湯○動
氣在上下之則腹滿卒起頭眩食則下清穀心下
痞堅用甘草瀉心湯

防丰白朮牡蠣散

白朮去芦 防丰去芦
牡蠣煨 為末酒調服

大橘皮湯

陳皮 山萸
人參 生姜

甘草瀉心湯

甘草四兩 黃芩三兩 半夏泡
半升 乾姜三兩 黃連一兩

大棗十
二枚 擘

奔豚者腎氣也其人素有腎積腎寒矣復感寒邪觸
動宿積新邪舊邪交搆而發若江豚之拜浪奔突
而上躍也有因汗吐傷衝腎積腎邪侮心故乘虛
逆奔而上衝也治皆不宜汗下必用桂苓蓋桂能
泄奔豚茯苓能伐腎邪也○因下而氣上衝者桂

枝湯○因燒鍼而氣上衝者桂枝湯倍加桂若不
上衝者不可與也○發汗後臍下悸欲作奔豚者
桂枝湯去芍藥加大棗茯苓○吐下後心下逆滿
氣上衝胸起則頭眩脈沉緊者○及發汗動經身
振振而搖者皆以桂苓為主治也並用桂枝湯去
芍藥加茯苓白朮

不仁者肉苛也正氣虛為邪氣所伏也故肢體頑麻
痛癢不知鍼灸不知厥如死屍宜桂枝麻黃各半

湯不愈用補中益氣湯加姜汁若身體如油汗出
不休喘而直視水漿不入者命絕也

不眠者汗下太過而神氣虛也亦陰為陽勝終夜煩
擾不寧者陰虛則與夜爭也○汗出鼻乾不眠者
乾葛解肌湯○胃中有燥糞大熱錯語不眠者大
承氣湯○吐下後心煩短氣不眠者酸棗湯○陰
勝陽驚悸昏沉大熱乾嘔錯語呻吟不眠者犀角
地黄湯○汗出脈虛不眠者小建中湯○咳而嘔

心煩悶不眠者○或下利不眠者並用諸苓湯○
脉浮小便不利渴不得眠者五苓散○傷寒瘥後
不得眠者陰氣未復也梔梅湯○大熱乾嘔錯語
冲吟不得眠者黃蓮解毒湯○少陰二三日已上
心中煩不得眠者黃蓮阿膠湯

乾葛解肌湯 葛根 黃芩 赤芍 麻黃 桂枝 甘草 大棗 生姜

酸棗湯 酸棗仁 甘草 知母 麥門冬 茯苓 乾姜 川芎 一方加龍眼肉

梔梅湯 梔子 黃芩 甘草 柴胡 豆豉 烏梅 生薑 淡竹葉

黃蓮阿膠湯 黃蓮 阿膠 黃柏 梔子 先煮三味去滓 入膠同煮

多眠者陽氣虛陰氣盛也亦邪傳於陰而不在陽也
昏昏閉目陰自闔也默默不言陰至靜也○太陽
病十餘日脉浮細嗜卧者外已解而神將復也設
或胸滿脇痛鼻乾不眠者風熱內攻不干乎表故
熱氣伏于裏則喜揮不得汗者宜小柴胡湯脉浮
緊用麻黃湯○欲眠惡寒尺寸俱沉細者四逆湯
輕則理中湯○煩熱不眠不飲食口渴目合汗出

譫語者小柴胡湯○胃熱者亦欲卧也犀角解毒

湯

狐惑虫證也熱在上焦食入無多腸胃空虛三虫求食而食人五臟也其候四肢沉重惡聞食氣默默欲眠目閉舌白齒晦面目間赤白黑色變易無常虫食下部為狐下唇有瘡其咽乾虫食臟為惑其聲啞二者通宜解毒安虫為主也

黃蓮解毒湯

黃蓮 烏梅 枳實 芍藥 芩芩 麻黃 前胡 附子 服

雄黃銳散

雄黃另研 青箱子 苦參 黃蓮 各一錢半 薤仁一錢 右為細末

生艾搗汁和如小指大綿裹納下部肛門內 ○虫食于下咽乾甚者用苦參煎湯澆洗之 ○若虫食于肛門外者用炒雄黃三四錢燒烟薰之

凡狐惑證以前方為主治間有消渴與大便堅實者又宜微利之可也並用理中湯加大黃及蜜少許

吐長虫蛔厥也胃虛之人妄發其汗胃中虛冷飢不能食穀氣困乏得食即嘔及食到口蛔聞食臭相

繼而上也身雖燥熱口雖燥渴不可遽投寒涼之藥當先治蛔蛔定方可攻熱先用理中安蛔散如蛔未定用烏梅丸蛔安但熱不退或嘔脈數者小柴胡湯○若腹滿不大便熱甚昏憤吐蛔者此胃邪薰蒸虫不安而逆上也用大柴胡湯○凡治蛔不可用甘物藥中俱宜去甘草大棗並加黃連黃栢烏梅蓋蛔聞甘則起聞酸則止聞苦則定聞慄則頭伏而下所以用烏梅川椒細辛黃連栢皮等藥醫者當視其寒熱而加之

理中安蛔散

人參 白朮 乾姜 烏梅 白茯苓

烏梅丸

烏梅三百個 細辛六兩 乾姜十兩
黃連去鬚一斤 當歸四兩 附子泡
去皮臍六兩 蜀椒炒去汗四兩 桂枝去
皮六兩 人參去芦六兩 黃栢去皮六兩
右十味異搗篩合治之以苦酒浸烏梅一宿
去核蒸之伍升米下飯熟搗成泥和藥令相
得內臼中與蜜杵二千下為丸米飲下十九
病甚者多服之取効

瘕瘕者木火熱風也瘕則急而縮瘕則緩而伸也治
須平木降火佐以和血脉祛風痰之藥方可愈也

○治風温證被火頭面通身微黃色時或瘕瘕或驚癇者萎蕤湯○結胸證失下胃中熱邪發于四肢動搖擗者大承氣湯

萎蕤湯

萎蕤 麻黃 杏仁 白薇 青木香
甘草 羌活 川芎 石羔 葛根

百合者百脉一宗皆受病無復經絡傳次也其人似寒無寒似熱無熱欲食不食欲坐不坐欲行不行口苦便赤藥入即吐利其脉微數每尿則頭痛六十日愈不頭痛洒然惡寒者四十日愈若尿快然

頭眩者二十日愈並用百合知母湯○未經吐下

發汗病形如初者百合地黄湯○下後變為百合

者滑石代赭湯○吐後變為百合者百合鷄子湯

○百合病消而不瘥者括蕤牡礪散○百合病變

成發熱不沐者百合滑石散

百合知母湯

百合 知母
二味另煎夫滓相和服

百合地黄湯

先煎百合七枚夫滓取汁入生
地黄汁一盞同和服 服後大便

如漆者中病也
弗更服

滑石代赭湯

百合 滑石 代赭石

百合鷄子湯

先煎百合七枚去滓取汁 入鷄子黃一枚不用清攪勻溫服

括蕒牡礪散

瓜蕒根 牡礪各等分 為末每服二錢白湯調日三服 外用百

合一升以水一斗漬之一宿通身洗之 但食淡煮餅即淡麵條也弗與鹽豉

百合滑石散

百合炙一兩 滑石三兩 右為末每服三錢白湯下

壞病者寒病未退而六淫復傷也或汗吐下溫鍼不

解又小柴胡證罷而熱尚在者亦為壞病也若小柴胡

證仍在者此不為逆 蓋其病已過經熱留臟腑陰

陽舛亂日久不痊氣血漸衰疾候多變必當視其

證犯何逆以法治之○若表證多者宜取微汗用

知母麻黃湯○裏證多者宜取微利用大柴胡湯

○過經壞病身熱心下痞悶或微嘔而有痰或不

眠而脈虛者宜從和解用參胡溫膽湯○服諸藥

不効者用鱉甲散

知母麻黃湯

知母三錢 麻黃 甘草 芍藥 黃芩各一錢 桂枝五分

參胡溫膽湯

陳皮 枳實 半夏 白茯苓 甘草 人參 柴胡 生薑

一方有麥門冬 竹茹 桔梗

香附 大棗 葶味

鼈甲散

鼈甲 升麻 前胡 烏梅 枳實
黃芩 甘草 生地 犀角

瘧後沉昏者發汗不盡餘熱在心包絡也仍宜微汗
用知母麻黃湯○若胃口有餘熱虛煩而嘔者宜
清解用竹葉石膏湯加生姜

勞復發熱者勞動精神而熱隨至也古用枳殼梔子
湯麥門冬湯豶鼠糞湯此善方藥味簡少而奇今
人多不能體用但宜專用小柴胡湯加減治之表

汗裏下寒溫燥潤熱清虛補此加減要法也

枳殼梔子湯

枳殼 梔子 豉
用清漿水煎

麥門冬湯

麥門冬 甘草 淡竹葉
用粳米湯煎

豶鼠糞湯

韭白根 一握 豶鼠糞兩頭尖者是
十四粒 宜隨症加減 不可熱服

有沾汗 出為効

食復發熱者胃虛不能勝穀氣也損穀自愈○復舉
之證血氣已虛不可峻攻只宜緩取惟傷食重者
關脉實大熱燥渴胸高喘滿腹痛大便實或五六

日不去者或人壯厚者微利之可也用枳殼梔黃湯內熱加黃芩腹脹加厚朴傷肉加山查傷麵飯加神麩○若所傷之食不多其人稟氣素弱但煩熱者清之可也用竹葉石膏湯○自瘧後身熱不退飲食如故但覺胸中微滿此因食早謂之遺熱也○凡復舉當候其先病所解日數或先病七日汗出今復舉亦要七日汗出先病十四日出汗今復舉亦要十四日出汗方解若疫症三四次戰汗

今復舉亦要三四次戰汗此其定數也

枳殼梔黃湯

山梔 枳殼 柴胡 大黃 香豉

女勞復者精氣傷也男女不易而自病也其候頭重不舉眼中生花腰背掣痛小腹急絞疼或增寒發熱或陰火上冲面如烘炙心胸煩悶者並用獾鼠糞湯竹皮湯燒裨散○虛弱者人參白朮湯心煩口乾渴加麥門冬五味子陰虛火動精走加知母黃栢牡蠣煨心下痞滿加大黃煨枳實不得眠加

竹茹○小腹急痛脉沉逆冷者當歸四逆湯加吳
茱萸附子仍以吳茱萸一升酒拌炒熱熨小腹愈
○凡前證不拘男婦俱宜用赤衣散尤妙

竹皮湯

刮青竹皮一大丸
水煎

燒裨散

取近陰處裨當一塊方圓四五寸男
用女裨女用男裨燒存性溫水調服方
寸日三服一方加手足指爪二十片燒灰
男女互用米飲下小便即利陰頭微腫則愈
室女月經布近隱處者燒灰存性
單服白湯下

赤衣散

人參白朮湯

當歸 附子 生薑 白朮

水煎服

易病者陰陽交易之謂也蓋大病方瘥餘邪未盡輒
動淫慾毒氣反過男女互相為病也故男子新瘥
婦人與交謂之陽易婦人新瘥男子與交謂之陰
易其候身重氣乏小便痛頭不能舉足不能移四
肢拘急百節解散眼中生花熱氣衝胸在男子又
陰腫小腹絞痛在婦人又裏急腰跨重連腹內掣
痛若男子卵縮入腹婦人痛引陰中手足攣拳舌

吐出脉離經者皆不治也○陰陽易病通用燒裯散○男子病陰易小腹連腰跨急痛者豶鼠糞湯○外腎腫腹中絞痛與婦人痛引陰筋者並用竹皮湯○熱上衝胸煩悶手足攣搐如風狀者用瓜萋竹茹湯

瓜萋竹茹湯

服

瓜萋根 青竹茹 一方加韭根 乾萋 臨熟入 取鼠糞未一字調

中寒

夫膀胱之經名為太陽陽也然其性寒水其令司冬其位居下其體內空而藏津液是性之與令位之與體俱屬陰也天地之氣寒亦陰也而寒自下生寒從下感從陰類也且腎與膀胱為表裏淫慾過度腎氣內虛膀胱氣薄真元耗散寒邪徑入故即中寒中者如弓滿矢發矢從空飛迅速而直中鵠者也人病初發頭不疼身不熱就便怕寒四肢厥冷面慘暗如刀

刮膝卧不渴不欲語言或吐白沫或流涎或腹痛吐瀉或引衣自蓋或戰慄脉來沉遲無力或微欲絕即是直中陰經真寒證宜用陽法以熱藥溫補無疑并灸丹田又當隨所見證消息調理切莫亂投湯液并不可拘於日數失急緩之宜也間有大汗頭重週身痛面赤色者乃陰伏於下陽浮於上此水極而反火化其人身必不大熱肢節必冷脉見陰脉或浮大而虛乾斷宜峻補不可因其外證類陽而用陰法治

也幾微之際生死係焉宜細參攷

一腎氣素虛之人先因房慾後受寒邪初得之頭沉重面慘晦倦怠欲寐發熱無汗脉沉一切表病裏和等證為寒中之輕者宜用

附子散邪飲

人病虛而輕方藥溫而淺

麻黃去節

細辛去土各二錢

大棗二枚

熟附半枚

寒甚者一枚

生姜五大片

取汗

嘔吐去細辛倍生姜

身痛加羌活防風

表證

罷尋宜平補以固真元

表邪入裏即用後湯隨

證的用

一腎氣虛憊之人真陽之氣所存無幾陽虛即寒奚必寒自外中加之房勞繼之受寒內寒外寒兩寒驟發人病怕寒惛憊踈卧沉重欲寐手足厥逆肚腹疼痛嘔吐下利脉沉遲無力或微欲絕一切諸虛沉寒等證為寒中之重者宜用

附子回陽湯

人病虛而重方藥温而深
熟附子 肉桂 乾姜 當歸 丁香
清河參 白朮 川芎 砂仁 良姜

臍下動氣欲作奔豚去白朮 呃逆加柿蒂 自

利腹痛加木香 咳加細辛 自利不止加升麻

黃芪 嘔吐涎沫或小腹痛加塩炒莫茺萸 氣

不歸元上奔喘急加沉香去川芎 腎虛甚加肉

蓯蓉山茺萸 腰痛加川續斷山茺萸破故紙

其陰極發燥者去良薑加肉蓯蓉麥門冬熟地

咽痛去丁香砂仁良薑 脉不至倍人參 有痰

加半夏 腹痛大便實去丁香砂仁良薑加大黃

酒蜜少許 腎痛加華澄茄

大病之後諸虛寒證悉除而真元因之重傷不加
意調養時進湯液非惟難以保完精氣抑恐病加
於小愈也宜用

人參固本湯

人病退
方藥平

人參 黃芪 當歸 乾姜
白朮 茯苓 川芎 肉桂

微熱去乾薑加地骨皮 微煩去乾薑肉桂加麥

門冬 不眠再加
酸棗仁 口乾或渴去姜桂加麥門冬五

味子 腹痛加木香磨刺 清氣下陷大便似有

似無欲去不去加升麻 身體痛加附子 氣不

和加陳皮木香 痰嗽加五味子 飲食不知味

加砂仁丁香 小便赤去薑桂加赤茯苓燈心

大便燥加桃仁麻仁火乾薑肉桂 虛甚者仍再加
肉苁蓉附子溫

之潤之 元氣已復 前服辛熱之劑過多目赤紅

只再加酒蒸川大黃 去薑桂加生地麥門冬黃蓮燈心赤芍 或衄血

吐血皆因熱燥使然去肉桂乾薑加犀角牡丹皮

感寒

夫五方之風氣不同而治療之藥品亦異仲因北人
北地高聳寒威凜凜其治傷寒即北證而議北劑也
故其劑重南方沃土氣和日煖時令雖寒而不甚但
民多逸樂中氣內虛寒邪外襲邪客於經未入腑臟
民病頭痛項強遍身痛發熱惡寒證類傷寒而稍輕
以其感之者淺而非若傷之者重也且南人病多自
內傷而挾外感其治特宜以輕清之品表解之不可

用麻黃桂枝等湯如法重劑也。一劑而邪未散，再劑無妨。須沾沾汗出過足，委中為愈。邪散後即用托中之劑，和補之以實腠理。此用藥之一陰一陽而防再感也。經曰：邪之所湊，其氣必虛。間有寒熱往來似瘧，非瘧脇痛、口渴煩燥等證，而用麻黃桂枝等湯而愈者，非南人而服北劑乎？蓋風氣在天，雖有南北之殊，而經絡在人，實無南北之異。故感之重者，即名傷寒。如仲法治之，理所當然。惟貴審所感所傷之重輕，或

真外感而無內傷，或自內傷而挾外感，又或外感重而內傷輕，又或內傷重而外感輕，當精詳區別而行治法也。夫寒本寒也，而寒病多發熱者，以其寒傷形寒毒薄於肌膚，陽氣不得散發而內拂結，故病熱也。復惡寒者，先尅而後仇之也。治又多用熱藥者，以其發表不遠熱而辛以散之者也。

因人隨證調治

人有實有虛
治有深有淺

證有重有輕
藥有表有裏

一氣盛實之人，四時感冒風寒，身熱頭痛，惡寒無汗。

一切表邪等證宜用

柴胡解表湯

人盛實 病輕 方藥淺而又淺

柴胡去芦 升麻 乾薑 麻黃去節 甘草 芍藥

如咳嗽加杏仁荆芥 項強身痛加羌活獨活

內熱加黃芩 胸滿加枳實 嘔吐加陳皮半夏

姜汁 腹痛倍芍藥 偏正頭風加石羔薄荷

發斑加黃芩石羔 或感冒失表時常潮熱不解

加地骨皮人參青蒿薄荷 表後汗多去麻黃加

浮麥仔畧加人參黃芪

一氣實之人四時感冒風寒身熱頭痛惡寒無汗一

切表邪及夾食等證宜用

藕麻散邪飲

人實 病輕 方藥淺

紫蘇葉 麻黃去節 香附 生姜 芍藥 陳皮 甘草 葱白

頭痛加川芎白芷 鼻塞聲重咽膈不利加細辛

桔梗 渾身痛頭項強加羌活獨活紫金皮 腰

痛不能屈伸加官桂飛仁小茴香川當歸 鼻塞



不通頭昏或耳內膿出加羌活荆芥川芎 咽喉

腫痛加桔梗倍甘草 鼻內出血及吐血加白茅

花生地黄 痰涎壅盛加白附子天南星姜汁製

氣促喘急加桑白皮大腹皮用紫蘇梗 熱盛加

柴胡黃芩 惡寒甚加桂枝 汗多去麻黃加肉

桂芍藥 嘔吐惡心去麻黃加砂仁半夏 嘔吐

酸水及酒傷等證加砂仁去麻黃 痰涎壅盛嘔

吐惡心頭昏加白附子旋覆花半夏 咳嗽加杏

仁葉白皮 腹痛倍芍藥加水香刺服 腹脹加

枳殼厚朴 脾寒去麻黃加草果青皮檳榔寒多熱少

再加桂皮熱多寒少再加黃芩柴胡 小腹氣痛加小茴木香痛甚

加吳茱萸俱去麻黃 飽滿不思飲食加青皮蒼

木桂枝厚朴 飲食不化或時寒慄加草果仁桂

枝蒼木檳榔 食積溇泄酒傷惡心去麻黃芍藥

加蒼木厚朴神麩麥芽 嘔逆去麻黃用蘇梗加

砂仁草果仁 渴去麻黃陳皮加麥門冬石羔類

米 婦人產後感冒發熱頭痛加川芎白芷肉桂
人參去麻黃芍藥 發斑去香附陳皮加大青壯
丹皮犀角生地黃

一氣虛之人四時感冒風寒身熱頭痛惡寒無汗四
肢拘急或鼻流清涕聲重一切表邪及夾食等證
宜用

芎朮實表湯

人虛 病輕而重
方藥淺而深
川芎 白芷 細辛 陳皮 麻黃去節
桂枝 蒼朮 羌活 甘草 生姜

表後汗多去蒼朮陳皮麻黃加白朮芍藥 嘔吐

惡心去麻黃加砂仁 腰疼加小茴麝香桃仁 屬

只加杜仲川續斷 屬
風只加秦艽防非去芦 乾咳加人參去羌活麻

黃 表證未解心下有水氣嘔吐喘滿加半夏人

參白茯苓 小腸氣疼加小茴香吳茱萸 腹痛

加白朮吳茱萸南本香 寒甚加乾姜良姜 嘔逆
血氣痛加玄胡索

去麻黃加丁香砂仁草果仁 寒瀉加乾姜白朮

肉豆蔻椰子去麻黃 挾虛再加人參 飲食不思
寒甚畧加附子

加砂仁白豆蔻去麻黃羌活 心腹脹滿加枳實
半夏 嘔逆加丁香砂仁草果仁 痰嗽加半夏
桔梗 本方加減有未詳者宜照蘇麻散邪飲一
一如法加減調治

一氣虛之人四時感冒風寒解表之後表證悉除特
恐中氣未充風寒易入復生他證宜用

參朮和中湯

人參 去芦 白朮 去芦 白芍 大棗
白茯苓 去皮 大粉 草象 生薑
人虛 病除
方藥平而和

氣虛病後而元氣愈薄宜服一二劑調養之間有
餘證未除照後加減用藥

頭微痛加川芎 微潮熱加柴胡 內熱微加麥
門冬地骨皮或加黃芩 邪渴加乾葛天花粉
有痰加半夏 身微痛加羌活 自汗加黃芪
血虛加川芎當歸 微惡寒加桂 微惡風加防
風 心煩加家蓮肉麥門冬竹瀝 腹微痛加木
香吳茱萸 濕證未除加蒼朮防己 指頭微寒

加肉桂 小便不利加猪苓澤瀉木通小茴 小

腹微痛加小茴吳茱萸 小便多加益智仁 腰

痛加杜仲破故紙川續斷 短氣倍人參小便又利宜去

茯苓并加黃芪 不睡加麥門冬炒酸棗仁龍眼肉茯神

吐黃水加砂仁丁香 泄瀉加淮山藥肉豆蔻

聞食氣即嘔逆加砂仁丁香 腹脹不思飲食

加砂仁枳實 惡食胸中滿加蒼朮香附山查

脾困氣短加砂仁木香 病後食早惡食加砂仁

神麩麥芽山查草果仁 胃冷加丁香砂仁冷甚仍加

子 脾胃虛弱加官桂當歸黃芪 痰甚口渴不

用半夏用貝母天花粉 微嗽加五味子桔梗

胸膈滿加枳殼少用參朮假滿不用枳殼但用烏藥 氣不和

加烏藥大腹皮木香 脾氣不和加蒼朮香附

胃氣不和加陳皮砂仁 清氣下陷加升麻柴胡

加少 虛渴加五味子麥門冬

一氣盛實氣實氣虛三等之人若外感風寒已入腑

臟潮熱乾嘔煩燥口渴一切表裏俱熱或欲發斑
等證宜用

黃芩瀉火湯

病重
方藥深

柴胡去芦 黃芩 麥門冬 甘草
知母去毛 葛根 淡竹葉 石膏

頭痛加薄荷荆芥

大便澁滯加黃蓮枳殼

秘結
加大

黃 麻仁 薤仁

小便不清加青蒿澤瀉猪苓

胸

滿腹脹痛加枳實芍藥青木香

氣急加青皮大

腹皮

小腹痛加大黃桃仁芒硝

小便赤濁

加梔子滑石

胃脘痛加梔子香附

童便

加黃蓮犀角鎊黃栢山梔子

甚則加
川大黃

發斑加生

地大青牡丹皮犀角鎊

鼻衄吐血加白茅花犀

角黃蓮生地枝子

炒
黑

表裏之熱悉除仍用參朮

和中湯如法加減調養以保完胃氣庶無中寒之

患矣

元氣虛弱之人及不善自愛養內作色荒妄作勞
役是真元既以重傷矣加之起居不慎感冒風寒

頭微疼身微熱微惡寒踈卧一切內傷重外感輕
等證宜用

冲和桂枝湯

人病傷重感輕
方藥裏深表淺

人參去芦 白朮去芦 川芎 蒼朮米泔浸
桂枝去皮 白茯苓去皮 乾姜 甘草炙

頭頂微痛加藁本 身微寒加羌活 肌表微熱

去乾姜加北柴胡 風濕相搏一身微痛加羌活

防風 惡風加防風 自汗去蒼朮加黃芪蜜膠

飴 內微熱去乾姜加麥門冬地骨皮倍人參

口微乾或渴去乾姜加五味子麥門冬 小便赤

去乾姜加赤茯苓 無汗少加紫蘇葉 煩燥驚

狂心悸去乾姜加遠志茯苓酸棗仁炒 龍眼肉麥

門冬栢子仁 血虛加當歸 挾痰加半夏 挾

痰少口微渴去乾姜加貝母麥門冬不用半夏

咳嗽加五味子 衄血吐血血色紫去蒼朮川芎

桂枝加白茅花 脾濕泄瀉加猪苓薏苡仁 傷

風泄瀉加防風 食積泄瀉加山查草果仁神麩

麥芽炒 胃氣不和加陳皮木香 嘔吐去甘草
 加丁香砂仁 腹痛加木香吳茱萸 脇痛加青
 皮 小腹痛加小茴香吳茱萸 腎氣痛及膀胱
 氣痛並加華澄茄 脾虛泄瀉加肉豆蔻 胸膈
 脹滿加檳榔枳實 厥逆加附子 脈不至倍人
 參 腎不納氣氣上衝喘急胸滿加附子沉香枳
 實去蒼朮
 一 元氣微虛之人及不善自保護淫慾不節勞役不

調是中氣雖傷而所傷者輕矣加之風寒不避外
 感客邪頭疼身痛發熱惡寒無汗一切內傷輕外

感重等證宜用

冲和紫蘓飲

人病 傷輕 感重
 方藥 裏淺 表深

紫蘓葉 防風 陳皮 蒼朮
 比細辛 羌活 川芎 白芷

肌表熱加柴胡 荆之烙子 自汗去蒼朮陳皮紫

蘓葉加白木 又不止加黃芪 脇痛加青皮 腹

痛加木香 痛甚加 小腹痛加小茴香益智仁
吳茱萸

惡寒加桂枝 指頭微寒加桂枝乾姜 厥逆去

紫蘇葉加乾姜附子人參白朮 胸滿腹脹加枳

實 痰嗽加半夏 寒嗽加乾姜肉桂 中脘痛

加草豆蔻 脾寒加青皮草果仁檳榔 寒多熱少 厚加桂枝

乾姜 熱多寒少 厚加柴胡黃芩 寒熱相半加桂枝柴胡 脾寒

未經發表加麻黃連鬚葱白 寒瀉去紫蘇加肉

桂乾姜白朮 口渴加乾葛 氣滯滿悶加青皮

木香 木方隨證加減有未詳者宜照依冲和杜

枝湯加減一一查用 二症主方有輕重 之分而加減稍同

一內傷房勞之人時常感冒風寒飲食失節或身熱
而煩或頭痛而重或氣促而短或惡寒而倦或惡
風而咳或自汗而渴或無力以動或飽滿不食諸
虛外感等證宜用

參芪補中湯 人病虛而輕 方藥重而淺

人參 黃芪去芦 茯苓 麥門冬 陳皮
白朮 柴胡去芦 當歸 炙甘草 前胡
頭痛加川芎藁本 潮熱加黃芩 惡寒加桂枝

乾姜 有痰加半夏 腹痛加木香吳茱萸 身

體痛加羌活獨活 惡風加防風 寒嗽加乾姜

細辛 風嗽去參芪當歸加杏仁防風 痰嗽加

半夏 虛嗽加五味子 氣虛甚加附子去前胡

柴胡 小便頻數加益智仁 小腸 痛加小茴

香益智仁山查 挾寒再加 乾姜肉桂 指頭微寒加桂枝

背惡寒加乾姜肉桂 挾痰再 加半夏 嘔吐加丁香砂仁

去甘草 寒熱往來加草果仁肉桂 熱甚加 黃芩 飲

食不消飽滿加麥芽神麩山查香附草果仁 不

思飲食加砂仁白豆蔻仁草果仁 內熱盛加地

骨皮倍人參麥門冬 本方隨證加減有未備者

仍宜依前冲和桂枝湯冲和紫蘇飲二方加減一

一查用 三症主方有輕重之分 而隨證加減稍同

脾胃素虛之人內傷飲食外感風寒其證增寒壯

熱頭目昏疼惡寒倦怠嘔逆惡心飽滿痞悶噫氣

吞酸停積滯下 一切夾食傷寒等證宜用

二香化滯湯

人痛虛而實
方藥平而淺

藿香葉 半夏 蒼朮 厚朴 紫蘇葉
香附米 人參 陳皮 生姜

頭痛加川芎白朮 身痛項強加羌活獨活 腹

痛加草豆蔻南木香 小腹痛加南木香 胃寒

加丁香砂仁 胃氣虛弱或脾困氣短去厚朴加

砂仁南木香白朮倍人參 傷食腹脹不思飲食

加砂仁枳實白豆蔻山查神麩麥芽炒 間食氣

即嘔加砂仁青皮去人參 吞酸加砂仁丁香乾

姜 胃脘痛加撫芎木香 嘔逆或吐黃水加丁

香砂仁 潮熱加柴胡黃芩 腹痛脹硬口乾煩

燥大便秘結去藿香葉人參紫蘊葉加枳殼大黃

芒硝

辯諸證頭痛

額前痛身熱惡風屬風惡寒屬寒眉眶痛風邪在經

兩太陽痛邪客巨陽腦頂痛氣虛受風腦枕痛腎虛

枕冷左痛血虛有風右痛痰盛多熱痰熱痛身熱多

痰口燥咽乾痰厥痛頭旋眼黑氣急肢冷火盛痛痛
苦如裂心煩壯熱食積痛發熱惡寒而身不疼脚氣
痛肢節沉重脚膝屈弱血虛痛形瘦色弊氣虛痛氣
乏聲微氣血兩虛頭重痛微身倦形衰

附錄古今治感冒風寒應驗二方

九味羌活湯 凡感冒風寒寒熱頭項脊腰四肢

強痛并疫癘晚發等證 此方不犯三陽經禁解

利神方 雜病亦可用

羌活 治太陽 防風 治少陽 各一錢五分 蒼

朮 治太陰 白芷 治陽明 黃芩 治太陰肺 生

地 治少陰心 各一錢二分 細辛 治少陰三分

川芎 治厥陰 一錢三分 甘草 緩裏和中 五分

生薑三片大棗二枚葱白二莖水煎熱服取汗如

無汗用熱粥助之 太陽證加羌活藁本 陽明

證加升麻葛根白芷 少陽證加柴胡黃芩 太

陰證加蒼朮厚朴枳實 少陰證加桔梗知母

厥陰證加川芎柴胡 夏月加石膏知母 服此
湯後不作汗加蘓葉 惡風自汗加桂枝夏月去
桂加芍藥 汗後不解加大黃 嘔逆加薑汁
有痰加半夏 肌熱加柴胡葛根 喘而惡寒身
熱加生地杏仁 虛煩加知母麥門冬青竹茹
胸中飽悶加枳殼桔梗 中風行經加附子 便
閉加大黃 中風兼五痺等證各隨十二經內外
上下寒熱溫涼四時六氣加減補瀉用之煉蜜為

丸尤妙

五積散

凡感冒風寒頭項脊腰四肢強痛或惡
風寒嘔逆惡心或夾食傷寒發熱惡寒頭痛胸滿
腹脹及寒濕尅下經絡腰脚疼痛酸痺等證 雜
病亦可用

- 枳殼炒 麻黃 白芍酒炒 各四錢 當歸酒洗
- 半夏泡 各二錢 官桂去皮 川芎 白芷
- 厚朴去皮 姜汁炒 乾薑泡 桔梗去芦 蒼朮米泔浸

白茯苓 去皮

陳皮 畧去白

各五錢 甘草 炙

一錢 右散每服七錢生薑七片煎熟去滓入酒服

身體疼痛加羌活防風 寒甚加附子勿入酒

腰痛加菝仁謝香小茴香屬虛再加杜仲川續斷

破故紙屬風只加秦艽防風 小腸氣痛加吳茱

萸小茴香 遍身疼不止加乳香沒藥北細辛

咳嗽加杏仁桑白皮 夏月除乾姜官桂加黃蓮

天氣暄熱或春分後雖無汗當去麻黃換蘇葉

腹脹滿不快或大便不去除人參加山查神麩

實香附 潮熱或肌熱去乾薑加柴胡乾葛 手

足攣拳加檳榔木瓜川牛膝 手足瘋緩加烏藥

獨活川續斷木瓜防已檳榔川牛膝 四肢麻痺

加烏藥羌活殭蚕 足浮腫加五加皮大腹皮川

草薺檳榔薏苡仁 足成瘋痺加羌活獨活防風

防已川草薺檳榔川牛膝 凡人素患痛瘋因寒

風而發者加羌活獨活先表散外邪嗣後依各經

風寒濕熱隨證調治

瘧

瘧者虐也弱也正氣為邪氣所虐而正氣弱也故無汗與未汗之先以散表邪為主除其虐也若有汗與既汗之後以扶正氣為主補其弱也其名不同病發寒熱一歲之間長幼男女病狀相若沾染時行變成寒熱名曰疫瘧寒熱日作夢寐不祥多生恐怖名曰

鬼瘧

宜用禁避厭穢之

增寒少熱寒從背起腰痛頭重屬膀胱

眊名曰寒瘧壯熱鼻乾煩燥熱甚久後乃洒淅微寒日晡時發屬胃名曰熱瘧寒熱相半胸脇痛口乾苦屬膽名曰風瘧熱多寒少心煩怔忡屬心名曰濕瘧單寒少熱腰疼足冷屬腎亦曰寒瘧先寒後大熱咳嗽屬肺名曰痺瘧熱長寒短筋脉揪縮屬肝亦曰風瘧寒熱相停善饑不能食食已支滿腹急痛屬脾名曰食瘧又名痰瘧經年不瘥瘥後復發遠行久立下至微勞力皆不任名曰勞瘧數年不瘥百藥不斷結

為癥瘕在腹脇名曰老瘡亦曰母瘡大抵瘡病細而分之名狀種種不同統而言之先寒後熱為寒瘡先熱後寒為溫瘡但熱無寒為痺瘡但寒無熱為牡瘡是皆不出於陰陽上下交爭虛實更作也蓋風者陽氣也寒者陰氣也先傷於風後傷於寒即先熱後寒先傷於寒後傷於風即先寒後熱陰氣先絕陽氣獨發則但熱無寒陽氣先絕陰氣獨發則但寒無熱其溫瘡得之於冬邪氣延于骨髓其寒瘡得之於夏邪

氣客于皮膚腠理之間痺瘡之氣實而不堪且不及於陰牝瘡之氣虛而泄且不及於陽矣是皆發作有時發在夏至後處暑前乃傷之淺者發在處暑後冬至前乃傷之重者發於子午卯酉日者乃少陰心經之瘡發於寅申巳亥日者乃厥陰肝經之瘡發於辰戌丑未日者乃太陰脾經之瘡故邪氣中於風府則間日而作邪氣客于頭項則頻日而作氣有虛實邪中不同斯發作日時有早晚先後之異也然摠之瘡

屬於陽者治宜養胃驅邪瘧屬於陰者治宜調脾截
補邪瘧及新發者可截可散虛瘧及久病者宜補氣
血必不可截若新得病及未經解表其勢正熾而遽
用截藥致傷脾胃雖或暫瘧瘧後必復復則增重多
致延綿不休其欲截瘧在陽分者可截在陰分者用
藥引至陽分方可截之倘被醫輕試劫藥脾胃之氣
大傷病必難愈輕為老瘧重為鼓脹多致不瘳欲治
老瘧必先以參朮半夏陳皮等藥輔以某瘧某經之

品大補脾胃調和血氣為主散邪次之方能補偏救
弊若得大汗而體重又宜峻補俟汗沾沾微出下過
委中方是佳兆或老瘧係風寒暑濕邪入陰分尤宜
用血藥引出陽分而散用川芎撫芎當歸紅苻蒼朮
白朮白芷黃柏甘草煎露一宿溫熱服之後當滋補
正氣仍節飲食避風寒遠房勞無有不愈者此諸瘧
證病因與治法之大要也○外有病久陰虛每日午
後惡寒發熱至晚亦得微汗而解脉必虛弱而數宜

用人參白朮黃芪當歸陳皮麥門冬知母升麻生薑
大棗等味煎服寒重者去知母加炒乾薑○又有思
慮過度勞傷心脾每日至晚惡寒發熱驚怖若捕脉
必虛弱此心虛不生血脾虛不統血血虛故病見於
陰也用人參白朮茯苓龍眼肉酸棗仁南木香
炙甘草生薑大棗煎服○此二症似瘧非瘧若誤作
瘧治而用常山砒丹草果等劑亦至不救當以脉證
辯之瘧脉自弦二症脉必虛弱或數或大必不弦細
審虛實而療之斯不傷人命矣

疫瘧

八病重
下藥深

代天宣化飲

治時行病

證詳
論中

香附 紫蘇葉 甘草 山炮
黃柏 大黃蒸 黃蓮 黃芩

氣虛者四黃俱用酒炒少加人參寒多去大黃山
枝少加肉桂草果仁

寒瘧

人病重而輕
方藥深而淺

桂薑湯

治膀胱病

證詳
論中

乾姜 肉桂 白芷 陳皮 厚朴 當歸
川芎 白芍 可草 蒼朮 半夏 麻黃 姜

身體痛加羌活防風 頭苦痛加細辛 腰痛加

獨活羌活小茴香 汗出寒退而熱不退汗難已

用小柴胡湯合桂枝湯和解

熱瘧 人病實而重 方藥清而深

清胃湯 治胃腑病 證詳論中

柴胡 黃芩 大黃 芍藥 石膏 知母 甘草 粳米

微惡寒去大黃少加桂枝

風癰 人病輕虛 方藥和緩

清和飲 治膽腑病 證詳論中

人參 柴胡 桂枝 黃芩 甘草 生薑

渴加乾葛 脇痛甚加青皮 不渴有痰加半夏

渴而有痰加貝母 胸膈脹滿加枳殼桔梗

濕癰 人病虛而輕 方藥補而淺

補心湯 治心臟病 證詳論中

人參 白朮 白朮 柴胡 黃芩 半夏 澤瀉 肉桂 甘草 生薑

口乾或渴去半夏加乾葛天花粉

寒瘧

人病虛而重方藥補而深

溫經湯

治腎臟病

論詳中

熟附 肉桂 半夏 大棗 陳皮 白茯苓 生姜 炙甘草

氣虛甚加人參

脾虛加白朮

腰痛甚加川續

斷破故紙

中寒甚加乾薑

有汗去陳皮半夏

加黃芪

蜜炙白朮

腎氣痛加萆澄茄

小腹痛加

小茴香鹽炒吳茱萸

無汗加麻黃細辛

瘧瘧

人病輕方藥淺

清肺飲

治肺臟病

論詳中

人參 乾葛 南木香 枳殼 甘草 白茯苓 前胡 桔梗 紫蘊葉 半夏 陳皮 生姜

初病去人參溫服進取微汗

渴去半夏 嗽不

止先加杏仁葉白皮

又不止加五味

熱甚加柴胡黃芩

去南木香

氣急加紫蘇子蘿菔子去人參

風癘

人病實而輕方藥表而淺

疎風湯

治肝臟病

論詳中

麻黃 烏藥 陳皮 川芎 殭蚕
羌活 防風 白芷 獨活 柴胡

熱甚加黃芩 血熱加生地赤芍 寒不去加桂

枝 脇痛加青皮

食癯

人病虛而實 方藥補而淺

舒脾飲

治脾臟病

論詳中

柴胡 黃芩 草果仁 青皮 神麩
白茯苓 蒼朮 厚朴 陳皮 香附

嘔吐去黃芩加丁香砂仁 脾倦去青皮厚朴黃

芩加白朮人參白豆蔻肉豆蔻甚則再 脾熱加

知母

勞瘵

人病虛而重 方藥補而深

溫中湯

治腑臟病

論詳中

乾姜 白朮 人參 甘草
肉桂 陳皮 茯苓 黃芪

腹濡滿時減去甘草 嘔吐加半夏姜汁又不止

砂仁 躑躅沉重少加附子 身軀痛加附子 腹

痛加南木香 血虛加川芎當歸 頭痛加白芷

細辛川芎 腰痛加川續斷破故紙 不思食加

丁香砂仁白豆蔻仁 泄瀉加肉豆蔻

老瘡

人病久而虛
方藥平而補

實脾湯

治元氣虛弱

證詳
論中

人參 白朮 半夏 白朮 生薑
陳皮 蒼朮 草果仁 炙甘草

不思飲食加砂仁 脾倦氣短加附子 畏風寒

加黃芪防風乾薑 連服此湯數十帖俟脾胃壯

盛一日加食身軀康強瘡不截而自愈矣倘邪未

盡去癥癖尚存方宜用消導丸散除其病根此其

時也前此脾胃之氣弱真陽之氣衰慎勿輕用以
傷生願同志者慎之

消導丸

人病實而重
方藥軟而深

蟹甲炙 三稜 莪朮俱醋煮 青皮 苑仁
真海粉 紅花 半夏姜汁蒸 神麴 陳皮
麥芽炒 香附醋蒸
右為末神麴酒打糊為丸

雖服此丸猶宜與實脾湯間服服二日丸服一日
湯此一消一補之法庶不復傷元氣

九瘡病一日一發者受病一月間日一發者受病半

年二日連發住一日者乃陰陽受病氣血兩傷最為難治當憑日辰按陰陽而調理

子午卯酉日發者乃心陽不足治宜扶陽抑陰

扶陽湯

人病虛而重方藥補而深

人參 白朮 白朮 當歸

川芎 肉桂 乾姜 草果

虛甚加熟附子服此數十貼不愈度可截而截之

寧心飲 截劑

白朮 丁香 砂仁 乾姜 南星 姜製 人參
川芎 檳榔 草果仁 常山 切片 好酒

浸一伏時去酒畧炒帶濕即入百草霜同炒乾去百草霜不用用常山獨倍諸藥 水酒煎 癸日早空心服一劑 臨發先時又服一劑 常山製得有法必不吐要吐勿製

寅申巳亥日發者乃肝木受邪治宜平肝補脾

平肝飲

人病實而輕方藥平而淺

柴胡 青皮 蒼朮 檳榔

厚朴 陳皮 白芷 白朮

熱多加黃芩 寒多加桂枝 服此數十貼不愈

度可截而截之

代水湯 截劑

換即 蒼木 厚朴 草果仁 青皮 陳皮
芍藥 常山製法現前倍用 煎服同前

辰戌丑未日發者乃脾土受邪治宜補脾益心

補脾飲

人病虛而輕方藥補而淺

白朮 白木 川芎 柴胡 白芷
陳皮 半夏 枳殼 前胡

熱多加黃芩 寒多加桂枝 服此數十貼不愈

度可截而截之

清脾湯

截劑

桂枝 換即 知母 草果仁 陳皮 白朮
藿香 常山製法現前倍用 煎服同前

凡風寒之邪已入臟腑而成瘧者宜依前病證方藥

逐一細查按證按治調理若邪在經在表未入乎腑

臟不拘日數多少似瘧非瘧者則用後四方據邪氣

盛衰而用方藥或寒暄不時雖非疫癘而一時人病

寒熱徃徃長幼相若者亦用後四方

香薷飲 治頭疼身痛寒熱作止有時無汗邪在

表而表實者

人病實而輕方藥表而淺

香附 紫蘇葉 白芷 芍藥 羌活
陳皮 麻黃 乾葛 升麻 熱服取汗而愈

柴苓湯

治口渴頭疼身痛增寒壯熱作止有時

邪在表而表盛者

人病實而重
方藥解而深

知母 石膏 乾葛 黃芩
柴胡 諸苓 澤瀉 羌活

桂芍湯

治頭疼身痛項強寒熱作止有時有汗

邪在表而表虛者

人病實而輕
方藥解而淺

桂枝 芍藥
甘草 防風

知母葛根湯

治人氣盛實裏不受邪而邪經旬

猶在表寒熱一日二日一發發時或頭痛或口渴

或初病寒熱數日已經解表而元氣壯實者皆宜

人病實而輕
方藥峻而淺

黃芩 柴胡 知母 乾葛 烏梅 常山 右
各半分 水酒煎 臨發日早服 以吐為度 若飲不
吐則常山當
如前法精製

瘟疫

瘟疫者因天行不正之氣人染之而成病也經曰蒼

天之氣清淨則志意治順之則陽氣固雖有賊邪弗

能害也又曰冬不藏精者春必病瘟疫傷寒論曰春應

溫而反清夏應熱而反寒秋應涼而反熱冬應寒而反溫或久雨亢暘反此正令非其時而有其氣皆曰疫癘曰黃病疫氣之毒大則流行天下次則一方次則一鄉次則偏著一家悉由氣運鬱發有勝有伏遷正退位之所致也其證項強睛疼四肢痛增寒壯熱大類乎傷寒其脉陽濡弱陰弦緊更遇溫氣變為瘟疫溫病得二三日體熱腹滿頭痛食飲如故脉直而疾八日死或遇四五日頭痛腹滿而吐脉來細而強

十二日死又過八九日頭身不疼日不赤色不變而反利心下堅脉來清濇按之不足舉時六七日死或汗出出不至足者死或厥逆汗自出脉堅強急者生虛軟者死或下利腹中痛甚者死其治必先推運氣之勝負次辨人稟之強弱與所感之淺深而施汗下清解三法初病汗輕病清解實病下藥中其的病未有不愈者若謂證屬陽明少陽二經不可大汗大下宜從中治其氣弱而感淺者固宜微汗微下或氣

強而感深者非大汗大下邪何由去正何由復必至
纏綿不休而死又謂有當從補治者用解毒丸散氣
靈而用四君子湯送血虛而用四物湯送大非也蓋
瘦癯之其其甚也告烈蝕傷元氣日深一日即樂
專力竭才允懼弗勝况以半鮮半補之劑治之吾恐
正氣欲補而未獲補邪氣不欲補而先受補邪得補
而愈熾病日增加矣即不加甚定增纏擾誠為無益
而又害之也故與其一劑之中用鮮而又用補孰若

一二劑之內即解而旋即補使藥力精專而邪氣頓
除除後或即平補或即峻補任我而施為也何畏首
畏尾之若是乎古人朝用附子暮用大黃自非神聖
其孰能與於斯

一治四時瘟疫頭痛項強增寒壯熱發斑煩燥大渴
面赤目紅或面紫黑狂言等證宜用

代天宣化湯

人病重
方藥深

甘草 甲巳年君

黃芩 乙庚年君

枝子 丁壬年君

黃栢 丙辛年君

黃蓮 戊癸年君

香附 紫蘇

葉 各減半 大黃酒用三倍 人中黃一倍

雄黃 硃砂 各用少許為末

水煎去滓調雄黃硃砂末冷服

一治瘟疫頭項強痛發熱惡寒無汗等證宜用

升麻芍藥湯

人病實而輕方藥表而淺

升麻 乾葛 芍藥 黃芩 柴胡 甘草

先用此湯取汗汗不出加紫蘇葉或加麻黃汗

後熱不解煩燥口渴加石羔知母麥門冬 熱甚

或乾嘔胸膈緊加黃蓮枳殼 如頭疼身痛加羌

活防風

一治瘟疫發熱煩燥口渴舌乾有汗等證宜用

黃連石羔湯

人病實而重方藥鮮而深

黃蓮 石羔 乾葛 黃芩 知母 前胡 甘草 麥門冬

發斑加牡丹皮生地 胸膈滿悶加枳殼桔梗

小便赤澀加猪苓澤瀉枝子仁 大便堅燥加枳

實川大黃 熱不退加人中黃

一治瘟疫發熱煩燥口乾大便實堅燥結或秘或肚腹硬痛等證宜用

大黃石羔湯

人病實而重方藥下而深

石羔 大黃 黃連 枳殼 黃柏 黃芩 梔子 赤芍

服此湯下後則宜和解 如未下熱不退腹中不和加玄明粉再服以利為度

一治四時瘟疫汗後下後餘邪未盡除者或初得之

一二日頭痛項強寒熱輕微等證宜用

羌活消毒飲

人病輕而實方藥平而淺

羌活 獨活 前胡 柴胡 白朮 川芎 桔梗 枳殼 防風 甘草

氣虛加人參 血虛加當歸 口渴加乾葛薄荷

或加天花粉 脾虛加白朮 胸膈脹滿加厚朴

陳皮 小便赤澀加猪苓澤瀉

附錄治瘟疫二方昔人所常用者 方現前

九味羌活湯 治瘟疫初感一二日間服之取汗

而愈其効如神

黑奴丸

治瘟毒發斑煩燥大渴及時行熱病六

七日未得汗脉洪大沉數面赤目眩身痛大熱狂
言欲走渴甚又云五六日已上不解熱在胸中口
禁不能言為壞傷寒醫所不治棄為死人精氣已
竭心下尚溫幹開其口灌藥下咽則活

大頭天行病

大頭病者乃陽明邪熱太甚資實少陽相火而為之

也濕熱為腫太盛為痛邪見於高嶺之上多在兩耳
前後先出皆主其病也治法不可用降藥亦不宜藥
速降則入裏速則過其病所謂上熱未除中寒復生
必傷人命宜用解散緩藥徐徐少服當視其腫勢在
何部隨經治之斯為良法 陽明為邪首大腫
少陽為邪出於耳前後
人病實而重
方藥解而深
三黃解毒湯 治大頭天行疫病
羌活 黃芩 黃連俱酒炒 連翹
川大黃酒蒸 生甘草節
徐徐呷之隨痛加減 痛止去大黃 如痛未退

加鼠粘子 再不退煎熟去滓入芒硝泡溶飽後

時時少飲畧取大便邪氣已則止 陽明渴加石

羔 少陽渴加瓜蒌根 陽明行經升麻芍藥葛

根甘草 大陽行經甘草防風荆芥 並與上藥相合服之

普濟消毒飲子 治疫癘初覺增寒壯熱體重次

傳頭面腫盛目不能開上喘咽喉不利舌乾口燥

俗云大頭傷寒 人病實而重方藥解而深

黃芩半兩酒製炒 人參三錢 陳皮去白二錢 黃蓮半兩酒製炒 甘草二錢 連翹去心一錢

玄參去芦二錢 白殭蚕七分炒 升麻七分

柴胡去芦五分 桔梗去芦三分 板藍根一錢

馬勃一錢 鼠粘子一錢 右收咀每服五錢 稍熱服徐徐呷之

或加防風川芎薄荷當歸身 大便硬加酒蒸川

大黃 腫勢甚以砭鍼刺之

蝦蟇瘟屬風熱 ○先用防風通聖散解之 ○次用小

柴胡湯加防風羌活荆芥薄荷桔梗和之 ○外用

側柏葉搗汁調火煨蚯蚓糞敷之 ○冬瘟咽喉腫

痛用其桔湯頻頻呷之○冬瘟頭面腫用萎蕤散
表解之 方俱現前

人黃散

治四時疫癘大頭天行等病

糞缸岸

置風露中
年遠者佳
水飛細研一兩重

甘草 三錢

辰砂

雄黃

各一錢
五分

右為末每服三錢煎薄荷枯梗湯

送下日三五服

瘴氣

瘴氣者山嵐霧毒惡氣人感之而成病也治宜燥濕

人病頭痛項強增寒壯熱嘔吐不食等證宜用

藿香平胃散

人病實而輕
方藥表而淺

蒼朮

厚朴

陳皮

生薑

甘草

紫蘇

藿香

石菖蒲

人往嶺南不服水土者可常服此湯煎碎一切邪
惡之氣免生瘴瘧

暑瘟

暑瘟者溫暑之月天行瘟疫熱病也治宜清暑解毒
人病頭疼身熱口渴等證宜用

菟活葛根湯

人病實而重
方藥清而深

黃芩酒炒
白芍酒炒
升麻一錢
羌活三錢

知母酒炒
黃連酒炒
甘草七分
生薑三片

乾葛各一錢
石膏
人參各一錢五分

胸膈痞悶痰涎壅塞加枳實半夏生薑汁 脾胃
不實加白木

瘟黃

瘟黃者時氣發熱變為黃病也治宜內瀉濕熱人病
週身發黃發熱小便短澀或出黃汗等証宜用

茵陳白朮湯

人病虛而重
方藥滲而深

茵陳 糖子
人參 黃蓮姜汁炒各一錢
各一錢五分
生薑三片

白朮 白朮
厚朴 木通
白芍酒炒 乾葛

小便赤甚加猪苓澤瀉燈心 肌表熱加柴胡黃
芩

[Blank page]

<p>一、</p>	<p>二、</p>	<p>三、</p>	<p>四、</p>	<p>五、</p>	<p>六、</p>	<p>七、</p>	<p>八、</p>	<p>九、</p>	<p>十、</p>
<p>十一、</p>	<p>十二、</p>	<p>十三、</p>	<p>十四、</p>	<p>十五、</p>	<p>十六、</p>	<p>十七、</p>	<p>十八、</p>	<p>十九、</p>	<p>二十、</p>
<p>二十一、</p>	<p>二十二、</p>	<p>二十三、</p>	<p>二十四、</p>	<p>二十五、</p>	<p>二十六、</p>	<p>二十七、</p>	<p>二十八、</p>	<p>二十九、</p>	<p>三十、</p>

